



"Razvoj partnerstva s roditeljima, zajednicom i institucijama"

Za uspješan odgoj djeteta ključno je povezivanje aktivnosti u vrtiću i domu. Kroz zajedničke aktivnosti, poput kreativnih radova i takmičenja, roditeljima se pokazuje njihova aktivna uloga u procesu, s ciljem dobrobiti djeteta.



Pedagoška uvjerenja nam potiču iz toga da djeci treba osigurati optimalne i jednake uvjete, za svako dijete, za boravak u vrtiću u našoj odgojnoj grupi. Mislimo, da je najbolja suradnja ostvariva kada se poboljša suradnja sa roditeljima i lokalnom zajednicom. Želja nam je djeci pružiti sretno djetinjstvo i mnoštvo iskustava koja će u njima pobuditi radoznalost, uzbuđenje, sreću i zadovoljstvo, motivisati ih da usmjere svoju pažnju na razne promjene, pojave i događanja, izgraditi radne navike, samostalnost i samopouzdanje. Odgovorno i predano djelujemo u svojoj profesiji praktično, koristeći teoretska znanja. Izazov nam je da kod svakog djeteta, individualno, izvućemo maksimum, stimulisati ga da otkriva i sazna svoje mogućnosti, te da ih koristi u svom životu. Na ovakav način dijete najviše razvija i ostvaruje svoje intelektualne sposobnosti, kao i socio-emocionalni razvoj, za koji smatramo da je u sadašnjem okruženju i društvu, jedna od najbitnijih oblasti razvoja djeteta, kao individue, ali i grupe. Srećna i zadovoljna djeca, djeca koja spoznaju svoje sposobnosti i znaju svoje ciljeve su najbolji temelj budućnosti svake zajednice/društva.

OPIS PRAKSE

1. Permanentni oblici suradnje i komunikacije sa roditeljima

Shvatajući značaj kvalitetnih i profesionalnih odnosa, povjerenja i dobre komunikacije na relaciji vrtić – roditelj, maksimalno se angažujemo kako bi isti bili što uspješniji.

2. Sportski susreti roditelja, oktobar 2014, 2015, 2016. godine

Već treću godinu za redom u našem vrtiću (koji je jedan od deset u okviru naše Ustanove) planiramo i realizujemo Sportske susrete za roditelje i djecu. Glavni smo inicijatori i dajemo veliki doprinos kvaliteti istih. Sve počinje sa ranijom najavom, plakatima, pozivnicama, letcima, saradnjom sa sponzorima i timskim planiranjem rekvizita, tajminga, igara i aktivnosti koje se odnose na igre za roditelje, igre za djecu i zajedničke igre. *Mali sponzori susreta su firme u kojima rade roditelji: Konzum, Coca-Cola, Euromaster, Stamparija Off-set, RTV TK.*

3. Maturske slike, generacije 2015/16

U junu mjesecu smo organizovali ispraćaj naših prvačića, pa i to na naš poseban način. Na atraktivnim lokacijama u gradu budu postavljeni pano-albumi maturanata srednjih škola. Mi smo predložile roditeljima da fotografišemo djecu i napravimo pano naših predškolaca (septembar 2016. godine – prvačići).

4. Pidžama party za najmanje maturante, juni 2016. godine

Ispraćaj prvačića i završno druženje je zaista planirano sa ciljem da se zahvalimo i roditeljima i djeci što smo uživali u protekle dvije godine u njihovom učenju i odrastanju te doživjeli mnogo lijepih trenutaka. I to je moralo biti posebno i drugačije. Općenito volimo rad sa djecom, igru i zabavu, te smo tako planirale Pidžama party. Roditeljima smo prenijeli ideju da to veče dovedu djecu u 18h, da svi budemo u pidžamama. Sa djecom smo se zabavljali od 18 do 21h, a nakon toga su bili sadržaji za roditelje i svečana dodjela diploma.

5. Motorijada, oktobar 2016. godine

Između mnoštva aktivnosti koje organizujemo povodom Dječije nedjelje – Nedjelje dječijih prava, izdvojićemo ovogodišnju jer je posebna i drugačija. Doživjeti iskustvo da se pred djetetom od 5, 6 godina pojavi desetak motorista, na motorima u punoj opremi, kako kruže, a da su još pri tome i neki od roditelja, neprocjenjivo.

DETALJAN OPIS:

1. POLAZIŠTA

Iz dosadašnjih iskustava, zaključile smo da se suradnja vrtića i roditelja mora podići na viši nivo i da je bezbroj mogućnosti da roditelji saznaju šta je i kako živi vrtić, a i mi da predstavimo svoju volju i spremnost da rano djetinjstvo djece iz naše grupe učinimo što bogatijim. Radile smo u predškolskoj grupi i veliki dio djece će poći u 1. razred i ispisati se iz vrtića. Željeli smo se zahvaliti toj divnoj djeci i roditeljima na izuzetno lijepim iskustvima i saradnji u toku njihovog boravka i rasta u vrtiću. *Htjele smo nešto drugačije, posebno inovativne i zabavne sadržaje koje će ostati u lijepom i dugom sjećanju.*

Kvalitet odnosa i saradnje, povjerenje i spremnost na uvažavanje i usklađivanje ličnih i profesionalnih kompetencija u najvećoj mjeri zavisi od odgajatelja. Mi smo ti koji dajemo inicijativu saradnje koja se planira programom Ustanove, a kako bi se obogatila i poticala uloga roditelja i djece u vrtiću.

CILJ I ŽELJENI ISHODI

Cilj:

- Steći bogata iskustva;
- Zabaviti se i uživati u igri, zabavi i druženju;
- Upoznati mogućnosti i značaj predškolskog odgoja i obrazovanja;
- Uključiti porodice u život vrtića;
- Povezati i podstaknuti odnose dijete-roditelji i roditelji-vrtić;
- Razviti partnerski odnos porodice i vrtića;
- Ukazati na značaj djeteta i njegov boravak u predškolskoj ustanovi;
- Podstaknuti roditelje i širu zajednicu na aktivan pristup i podržavanje rada predškolske ustanove;

Ishodi:

- Obostrano zadovoljstvo i sreća kroz stečena iskustva i događaje;
- Promovisanje vrijednosti odgojno-obrazovnog rada u predškolskim ustanovama među roditeljima, ali i u široj zajednici (medijske kuće, firme, trgovački lanci, udruženja...);

- Zbližavanje porodica i vrtića;
- Razvoj samosvijesti i samopouzdanja kod djece;
- Iznenadjuća posjećanost, odaziv i angažman roditelja i partnera;
- Otvorenost i prikazivanje mogućnosti uključivanja društvene zajednice, pojedinaca i porodica u poboljšanju odnosa, rada i uslova u preškolskoj ustanovi.

2. DETALJAN OPIS REALIZACIJE

1. Permanentni oblici saradnje i komunikacije sa roditeljima

Shvatajući značaj kvalitetnih i profesionalnih odnosa, povjerenja i dobre komunikacije na relaciji **vrtić-roditelji**, maksimalno se angažujemo kako bi isti bili što uspješniji. Prvenstveno **kvalitetom rada**, ljubavlju i profesionalnošću smo zavrijedili poštovanje i povjerenje roditelja i djece. **Transparentnošću** i jednostavnošću smo olakšali prenos informacija, tako da nemamo nikakvih problema prilikom realizacije odgojno-obrazovnih ciljeva, zadataka i aktivnosti počevši od svakodnevne komunikacije, **Pisma za roditelje**, odaziva na roditeljske sastanke i radionice, donošenja materijala za rad i igru, organizovanja posjeta i izleta, postavljanja dječijih izložbi radova, informacija na više punktova, anketa... Roditelji su zahvalni i zadovoljni ovakvim odnosom i komunikacijom i svima možemo poručiti da samo **otvorenost** i **iskrenost** mogu dovesti do višeg nivoa poštovanja profesije odgajatelja.

2. Sportski susreti roditelja (2014., 2015., 2016.)

Već treću godinu za redom u našem vrtiću (koji je jedan od deset u okviru naše ustanove) planiramo i realizujemo **Sportske susrete za roditelje i djecu**. Glavni smo inicijatori i dajemo veliki doprinos kvaliteti istih. Sve počinje sa ranijom najavom **plakatima, pozivnicama, letcima**, saradnjom sa sponzorima i timskim planiranjem rekvizita, tajminga, igara i aktivnosti koje se odnose na igre za roditelje, igre za djecu i zajedničke igre.

Susrete organizujemo početkom oktobra u toku **Dječije nedjelje - Nedjelje dječijih prava**, u poslijepodnevnom satima u dvorištu našeg vrtića. Veliku pažnju smo posvetili i **prigodnom ukrašavanju prostora** za igru i audiotehničkoj podršci. Već prve godine smo naučili da roditelji prihvataju i žele ovakve aktivnosti, jer od 160 djece došlo je **97 roditelja!** Sada smo spremni na veliki odaziv. Kao goste smo angažovali ugledne osobe iz sportsko-rekreativnih oblasti (**fitness coach**).





Igre i aktivnosti:

- Fudbal
- Potezanje konopca
- Pokupi otpad u odgovarajuće kante
- Mama, gdje si?
- Gađanje i gašenje svijeće
- Klackalica
- Spasimo pande
- Vrući krompir
- Skok u dalj

- **Provlačenje ispod konopca**
- **Nošenje jaja u kašikama**
- **Kuglanje**
- **Nošenje knjige na glavi**
- **Između dvije vatre**
- **Zgazi mi balon**

Djeca su **jako sretna** što se i roditelji zabavljaju u „njihovom vrtiću“, sa uzbuđenjem navijaju i trude se u svim igrama. **Roditelji se istinski angažuju** na svoje i zadovoljstvo djece, pa taj dan, iako poslije radnog vremena, bude ispunjen **divnom energijom i srećom svih nas**.

Sportski susreti postoje već tri godine i trudićemo se da postanu tradicija, da se uključe roditelji iz drugih vrtića i da to postane prepoznatljiva tuzlanska tradicija.

Matarske slike, juni 2015/16.

U junu mjesecu smo organizovali ispraćaj naših prvačića, pa i to na naš poseban način. Na atraktivnim lokacijama u gradu, budu postavljeni panoi - albumi maturanata srednjih škola. Mi smo predložile roditeljima da fotografišemo djecu i napravimo pano. **Bili su oduševljeni**, a za djecu se to pretvorilo u nešto izuzetno važno pred polazak u školu. Nabavile smo matursku kapu sa američkog univerziteta Jale, djeca su se odjenula posebno lijepo. Roditelj fotograf je uradio i svima poklonio po jednu veliku i dvije manje pojedinačne slike i po jednu grupnu.

Najljepša i najbolja djeca na svijetu!!

Pred panoom je proliveno mnogo roditeljskih suza - **suza sreće, radosnica, tužnica zbog rastanka, ljepote...**

Pidžama party za najmanje maturante, juni 2015/16.

Ispraćaj prvačića i završno druženje je zaista planirano sa ciljem da se zahvalimo i roditeljima i djeci što smo uživali u protekle dvije godine u njihovom učenju i odrastanju i doživjeli mnogo lijepih trenutaka. I to je moralo biti **posebno i drugačije**. Općenito volimo rad sa djecom, igru i zabavu, i tako smo planirale Pidžama party. Roditeljima smo prenijeli ideju da to veče dovedu djecu u 18h, da svi budemo u pidžamama. Sa djecom smo se zabavljali od 18 do 21h, a nakon toga su bili sadržaji za roditelje i svečana dodjela diploma.

Roditelji su imali **skromno učešće** u novcu za pizzu, slatkiše, sokove, svjećice, baklje, a jedna mama je napravila **pinjatu u obliku Sponge Boba**. Ispred vrtića su bile upaljene baklje, svuda zalijepljeni veliki plakati, baloni i zastavice. U holu napravljena staza sa svjećicama u teglama U **boji**. U sali je

postavljen svečani sto sa **diplomama** i **dječijim portfolijama**, prostor za igru i zabavu i drugi dio sa **spužvama za „spavanje“**. U sobi spremna zakuska - **pizza, slatkiši, sokovi**.

Uzbuđenje je trajalo danima jer je ovo nešto zaista drugačije i neviđeno. Odaziv djece je bio **100%** - svi smo bili u **pidžamama**, kvart se orio od dječije graje, a onda smo otvorili vrata **bajke**, bajke koje nisu očekivali. Ostali smo sami sa našom djecom, organizovali zabavne i takmičarske igre, plesali, zabavljali se i pjevali. Nakon toga se počastili u sobi pa sišli u salu da **„spavamo“**. Bojali smo se da će biti suza i straha od **„spavanja noću u vrtiću“**, ali djeca su izražavala da je to divno i da žele spavati u vrtiću. Planirano je da legnu i da im **čitamo priče za „laku noć“** uz prigušena svjetla i svijeće.

Tada smo dozvolili **roditeljima da tiho uđu**.



Prigodnim riječima smo se obratili mnoštvu **roditelja** i **članova porodica**, predložili da uradimo anketu **„Naše drvo života“** u kojoj su roditelji imali mogućnost da anonimno analiziraju naš rad cijelu godinu. **Djeca** su izvela kraći kulturno-umjetnički program, a onda smo krenuli sa **svečanošću dodjele diploma**. Svako dijete je veličanstveno prozvano, pozdravili smo se i **fotografisali**. Bilo je previše emocija.

I nije kraj kad je kraj nego kad mi hoćemo – stiže još jedno iznenađenje na radost svih prisutnih. Sa galerije se spušta **pinjata** puna **slatkiša** i **poklona...**

A nakon toga (22h) dugotrajne i iskrene **čestitke** i **zahvalnost** za naš angažman, obostrana nemjerljiva sreća i zadovoljstvo, energija i motivacija za još više i još bolje...

5. Motorijada

Između mnoštva aktivnosti koje organizujemo povodom **Dječije nedjelje - Nedjelje dječijih prava**, izdvojiceo ovogodišnju, jer je posebna i drugačija. Doživjeti iskustvo da se pred djetetom od 5,6 godina pojavi **desetak motorista** i na motorima u punoj opremi i snazi kruži, i kruži i kruži... Upoznati se i družiti sa tim **tuzlanskim junacima dobrog srca**, slobodno sjesti na velike **čarobne motore**.... **Neprocjenjivo!** Koliko je bilo za djecu, toliko je i za roditelje.



Uz rok muziku i nezaboravne Divlje jagode i „Motore” u dvorištu vrtića gosti su nam bili članovi tuzlanskog Moto kluba **Geargrinder**. Naša ideja je prihvaćena od strane roditelja, člana kluba, i uz obostrano zadovoljstvo. Inače, ovo udruženje realizuje mnoge aktivnosti **humanitarnog karaktera**, pa su i našem vrtiću donirali **sportsku opremu** - koš, obruče, viječe, lopte.

3. EFEKTI; POSTIGNUTI REZULTATI

Glavni i osnovni rezultat, koji nam je i bio vodilja u svim aktivnostima, je **SREĆA djece**. Što se tiče ostalih rezultata, to je upravo ono što smo i željeli: **upoznati roditelje sa načinom rada odgajatelja**, podstaknuti ih na suradnju sa nama i vrtićem, a sve zbog glavnog cilja – **sreće djeteta**.

Na ovaj način smo stvorile i kreirale okruženje gdje je **komunikacija između odgajatelja i roditelja** učestala, uzajamna i iskrena. Stalnom suradnjom sa roditeljima, daje im se mogućnost da se jasno

vidi da mogu biti **ravnopravni partneri**, a sve za bolji i sigurniji razvoj djece.

Najbolji pokazatelj navedenog je **dječiji osmijeh**, sreća zbog boravka u grupi u vrtiću, kao i činjenica da kada dođu roditelji po njih, **ne žele kući**.

Potkrijepiti možemo pismima roditelja, ali i iskrenim dječijim zagrljajem!

4. Dodatni komentari i sugestije drugim nastavnicima koji bi željeli implementirati vašu ideju

Iskrena, stručna i profesionalna komunikacija sa roditeljima djece donosi **zdravu sredinu za rad** nas odgajatelja, ali i sretnu i sigurnu sredinu za boravak djece.

Moramo biti svjesni da nam roditelji daju **ono što im je najvažnije na svijetu**, i da uz kvalitetnu suradnju možemo upravo zajedno doprinijeti da se svi osjećamo **bitni, sigurni, sretni**, i da samo takvi najviše doprinosimo **pravilnom dječijem rastu i razvoju**.

Unapređenjem **odgojno-obrazovnog rada** doprinosimo i većem **poštivanju profesije**.

Collections

NIN nagrada

Nominovane prakse

NIN 2016